

Zeitschrift: Bündner Schulblatt = Bollettino scolastico grigione = Fegl scolastic grischun
Herausgeber: Lehrpersonen Graubünden
Band: 79 (2017)
Heft: 3: Berufsleben im Wandel

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 03.04.2026

ETH-Bibliothek Zürich, E-Periodica, <https://www.e-periodica.ch>

Graztga agl turissem banduno la stanza da scola

Igl onns trenta a Savognin. Ena vischnanca purila, igl turissem veva betg anc catto la veia aint igl Surses. Las structuradas da vischnanca scu er las hierarchias eran clerhas, igl scolast ed igl prer eran las persungas d'autorità ainten vischnanca. Egn digls scolasts era Tona-Lehrer, anc oz vign el numno uscheia schi vign discurren da Tona (Anton) Wasescha.

ZEGNA PITTET-DOSCH



Tona Wasescha è naschia igl 1908 a Savognin, carschia se cun en frar, chegl sen en bagn puril ainten mez vischnanca. Igl bab pour ed ampluia dad hotel e siva ò alloura igl frar surpiglia igl bagn. Siva dalla scola obligatorica a Savognin ò Tona Wasescha visito igl seminari scolastic a Coira. Tona Wasescha saro mattagn sto talento ed intelligent e la situaziun finanziaria digls genitours varo lubia da visitar igl seminari scolastic a Coira – dei igl fegl da Tona Wasescha, Joachim Wasescha.

Igl 1929 ò Tona Wasescha antschet la sia ampresa piazza, numnadaintg a Tinizong. Siva d'aveir instruia treis onns a Tinizong ò Tona Wasescha surpiglia la terza e quarta classa a Savognin. A chel li da scola è el alloura rasto fidevel anfignen igl 1971. A Savognin ò Tona Wasescha fundo famiglia, tschintg unfants, e biagia tgesa.

Per pudeir nutreir ena famiglia tanscheva la paia da scolast pero betg. Igls scolasts eran pladias da bung mez otgover anfignen mez avregl e survagnivan er angal durant chel taimp ena paia. Vacanzas davigl angal anturn las festas da Nadal e chellas da Pasca. Durant igl taimp tgi Tona Wasescha dava betg scola gidava el agl sies bab e siva agl sies frar segl bagn puril, fascheva lavours pigl cumegn u geva a gôt per gudagner la paia tgi mantgeva.

Tona Wasescha ò er surpiglia differentas caricas per la veta culturala dalla vischnanca, per exaimpel era el cun grond gost reschissour da teater per differentas gruppas da carschias. Pero er igl cant e la musica igl plaschevan e nivan sustignias dad el. Tona Wasescha era scolast cun corp ed olma, chegl testifitgescha en rapport digl inspectorat digl onn da scola 1943/44: «Herr Wasescha, ein Schulmann

ganz gediegener Prägung, arbeitet mit heiliger Begeisterung und unter Einsatz seines tüchtigen Könnens in seinem lieben Jugendgarten. In dieser Mittelschule erhalten Bildung und Erziehung in schönem Ebenmasse treffliche Förderung.»

Er igl ampren rapport digl inspectorat, igl onn da scola 1929/1930 è positiv, er sch'igl inspector ò gia da crititgier ensatge tar la sia ampresa viseta. «Der junge Lehrer hat sich mit schöner Begeisterung auf sein neues Arbeitsfeld begeben. Bei unserem Herbstbesuch mussten wir vor allem die Ordnung in der Schule beanstanden. Die beständige Störung durch das Aufhalten zum Hinausgehen während einer Lektion muss, weil Lehrer und Schüler ablenkend, abgewöhnt werden, was in der Folge auch offenbar geschehen ist; denn bei der Inspektion war die Disziplin einwandfrei.»

Igl esser scolast ò cuntanto Tona Wasescha, el ò per exaimpel er instruia per la scola purila curs da repetiziun a Savognin. Durant chels curs instruiva el tranter oter tudestg, el mussava per exaimpel scu tg'è da screiver ena brev formala. Bliers onns pi tard è Tona Wasescha davento ampluia pigl codesch funsil. All'antschatta fascheva Tona Wasescha chegl dasper igl instrueir. Pero igls onns sessanta ò igl turissem fitgia pe aint igl Surses e cun las surbiageidas è er carscheida la lavour pigl codesch funsil. Igl volumen da lavour era betg ple realisabel angal parcialmaintg. Perchegl è Tona Wasescha sa decida da bandunar la stanza da scola igl 1971, cun sessantatreis onns e siva da curantadus onns veta da lavour scu scolast. Tona Wasescha è mort igl 1990.

Cordial angraztga a Joachim Wasescha per las infurmaziuns e las fotografias.